

通北設治局通志

430.185

41

1

總序



夫載籍極煩猶考證於六藝輔軒載道尚採訪於殊方搜羅不厭求詳矩矱務期其備勉強哀集則失之疏率爾操觚則近於陋故通志一書實政治之源流而文明之先導其關係於國家顧不重哉弼旁徵博引滙其大觀比事屬辭供其蒐討大而禮樂兵政山嶽河海小而農商工藝草木魚蟲以及幅員之廣袤人民之文野悉於是乎備兵事也則知山川之險要政治也則知地方之情形工則知其出品農則辨其土宜即後之官斯土者亦必循跡而慕曰某也賢某也直某也愚某也許則又瞿然敬焉惕然悟黠者知懼賢者知奮斯則輯書之本旨也弼來通三載始而稽壘繼而設治改縣之議期諸明年自愧庸愚毫無建白而進行之心不敢稍事懈怠若者興若者革審其情形度其緩急竊不自揣每思所以揅拄而垣墉之若以其荒蕪不治則亦自比於愚陋也弼雖不敏竊以為戒茲奉

省令將通北通志編輯成帙事屬創舉愧無彙纂之才搜及遺聞敢作觀風之使不揣固陋勉輯成書亦醫士丹砂洩勃之意云爾

中華民國五年十二月黑龍江任用縣知事通北設治局設治員熊良弼序於通北官廨

黑龍江通北設治局通志目錄

輿地志

經緯度

沿革

疆域 圖附

山川

人種

物產 穀屬
木屬

蔬屬
礦屬

果屬
鳥屬

花屬
獸屬

草屬
鱗介屬

藥屬
蟲屬

建置志

城池 圖附

津梁

廨宇

勝蹟 寺觀
冢墓

經政志

民治 戶籍
風俗
方言

警政 巡警學校
保衛團
清鄉
醫院
防疫附

財政 歲出入表附 田賦 雜稅 蠲卹 錢法

墾務 旗丁生計地 招墾 舊墾 清丈

林務

商政 缸窑工廠

郵政 電報局附

教育 勸學所 各學校

司法行政 監獄附

禮志

吉禮

嘉禮

賓禮

軍禮

凶禮

武備志

陸軍

職官志

文職


人物志

藝文志

文記辨論

志餘

鬚匪



黑龍江通北設治局通志

輿地志

經緯度

查通北正當經度東經十度三十分緯度北緯四十八度十分

沿革

昔無通北名稱有之自宣統季年擬設縣治始查通北前屬海倫府即北字段是也地居通肯河北岸前清宣統末年議設縣治定名通北旋因費絀議遂寢民國紀元國家注重墾殖於元年九月設立稽墾局委徐相山為專員專理墾務一切政權

仍歸海倫管轄民國二年省公署委派監視員馬六舟查勘嫩訥龍通四屬政治界址因通北原管之北字段長治久安兩社幅員過狹請將龍門續放安古鎮天乙公司八旗生計地三段荒地劃歸通北奉令照准民國三年六月良弼接任斯職查稽墾為設縣之基礎一切設施均應先事籌備因與海倫縣議定權限警學各事始得次第舉行

民國四年五月奉文改組設治局仍委弼為設治員迺會同海倫龍門綏楞克山劃清界址分地而治局所暫駐長治社四甲八井原定城基又在周家地房雙方爭執兩不相下迨經省道派員查勘以周家地房為海龍孔道改設縣治較為便利通北城基於斯乎定而衙署亦於斯時動工五年十一月而通北衙署落成即於是月遷駐新署

并奉省令於民國六年實行改縣弼考其既往證以現在通北在前清時為皇家圍場地山深林密荒腴極多而遊獵其間者為鄂倫春人即興安嶺山陽土著之一種山居野處不知布米為何物性質愚悍不解游牧平日以獵為生衣食住悉取給焉自清光緒二十五年設通肯副都統駐海倫兼辦墾務三十一年前將軍達復將通北官荒委員丈放通北一帶始有農人踪跡而鄂倫春人反驅避罄盡各商民亦於此地購街基置荒地以資經營弼忝司地方極力提倡以期振興駸駸乎有繁盛氣象此則通北沿革之大畧也

疆域

查通北縣治偏處西北地多平原既無大山為之屏蔽亦無要隘為之保障似無形勝之可言距省城五百六十里距京三千六百餘里東至蘿北縣界一百六十里西至克山縣界十里南至海倫縣界七十五里北至龍門設治局界四十五里與蘿北縣界東北隅一百二十里與海倫縣東南隅一百三十里與拜泉縣西南隅八十五里與克山縣西北隅五十里與海倫龍門界鳥道縱一百二十里與蘿北克山界鳥道橫一百四十里斜距各一百八十三里界周五百一十里面積一萬六千八百方里此疆域之大概也

山川

通北之大青山其山脈根於小興安嶺綿亘於通北山峯低小偏於縣之正東隅周圍

五百五十里高七百尺餘如頭道嶺子二道嶺子在縣東南隅高僅二百尺森林鬱茂儼若邱陵非山比也

通肯河與海倫接壤發源於屬境東南至西南隅長治社一甲一井會合烏魚爾河出境經流九十里烏魚爾河自龍門入境至長治社一甲一井出境經流二百二十里河流淺隘素無航路亦無江防如能籌以鉅款修濬河流直達呼蘭河亦航政之一利源也

人種

通北為前清皇家圍場地素無人煙遊獵其間者僅鄂倫春人自開荒後始有滿漢人踪跡漢人居十之七滿洲人十之三歷年既久更姓氏通婚姻一切習尚早為漢人所同化而鄂倫春人反避居遠方居於通北界內者寥寥數家故通北人種可分為三一漢人一滿洲人一鄂倫春人

物產

穀屬

穀子 大麥 小麥 荻麥 玉蜀黍 糜子 稷子 稗子 蘇子 線麻子
黃豆 綠豆 大豆 小豆 雲豆 樹豆

蔬屬

白菜 蘿蔔 大葱 韭菜 菠菜 香菜 芥菜 芹菜 金針菜 藤蒿菜

王瓜 茄子 大蒜 辣椒 西葫蘆 馬鈴薯 榛蘑 猴頭蘑

菓屬

榛子 李子 松子 山梨 山丁子 山李紅 山葡萄 山核桃 刺玫菓 臭李子

花屬

芍藥花 百合花 鳳仙花 雞冠花 石竹花 八月菊 金盞子

草屬

秧草 靛靛草 苦房草 穀草 稗草

藥屬

鹿茸 黨參 黃耆 黃芩 遠志 蒼朮 管仲 車前子 防風 桔梗
柴胡 薄荷 地榆 蒲公英 赤白芍 扁蓄 菸葉 木賊 透骨草

木屬

果松 杉松 一氣松 榆木 楊木 柳木 楓木 楸木 樺木 槐木

楸木 梨木

鳥屬

鷄 鵝 鴨 鴿 燕 雀 喜鵲 烏鴉 雉 鳬 蘇雀 寒雀 鸛 鷺 鷹
鸚鵡 烏鷄 鴻雁 蠟嘴 窩鴉 飛龍 毛腿鷄 鸛鷄 松鴨 鴉 鴿 鴉

獸屬

虎 鹿 熊 野豬 狢狽 獐 狍 狐 狼 貂 水獺 貉 狍子 鼬 灰花鼠
狸子 刺狽 黃羊 馬 牛 羊 犬 豕 騾 驢

鱗介屬

鯽魚 鯉魚 鮎魚 泥鰱 胖頭魚 黑魚 狗魚 穿丁魚 蚌螺

蟲屬

蒼蠅 蚊子 瞎蠓 螞蟥 螻蛄 蟋蟀 螳螂 蝸蝓 蝦蟆 蚯蚓 蝴蝶 蚰蜒 螳螂
螢 蟻 蜂 蚤 臭蟲 蜜蟲

建置志

城池圖附

查通北自民國四年五月設治以來始有流官一片荒涼諸事草創城基未定廨宇全
無設治員暫駐長治社四甲八井原放城基又在周家地房至民國五年十一月衙署落
成始遷駐馬計城基面積十六里一分七釐二毫縱四里三分四釐七毫橫三里七分一釐
應修城濠均未動工有質難於予者曰當此器械精良所恃以為扞禦者全在鎗礮
中外人士俱以城池為詬病民國成立已有之城尚思拆毀傳曰守在四夷又曰守在四
境亦即此意今通北土不過同何以城為不知通北為往來交通之地鬍匪出沒之

區非有城濠無所憑藉以之禦外侮固不足以之防匪患則有餘全城保障悉賴於斯所謂讀其書不可泥其說者此也辨論至此故叙及之

津梁

通北地多平原河流最少通肯河與海倫交界造浮橋一座即海通分界處長治社四甲八井東面上道烏拉滾河大橋一座四甲八井北面二道烏拉滾河木橋一座久安社二甲六井二道烏拉滾河一座通天乙公司久安社四甲五井三道烏拉滾河大橋一座通合墾公司天乙公司三道烏拉滾河支流造大橋一座通海倫及久安社四甲五井等處其餘均係旱道間有低窪修以橋梁如小天主堂北九道溝子大橋一座即長治社四甲頭井久安社三甲二井大橋一座即九道溝子上流久安社頭甲四井木橋一座即八道溝子長治社五甲五井四甲四井二甲三井頭甲三井均各造木橋一座即七道溝是也

解字 圖附暨報遷署原呈

通北設治以來諸事草創一切事務均待進行建築一項遂擱置局所暫駐四甲八井租民房為辦公地點原定城基為周家地房雙方爭執各不相下迨經省道主持仍以周家地房為設縣治所并將街基工程費撥作建築衙署經費至五年十一月衙署落成良弼即於本月十九日遷駐新署警察所勸學所均附屬之

呈為通北衙署落成職局遷移日期并籌辦城基大概情形呈請鑒核事竊聞茅茨不剪儉約著為美談民力未蘇規模但期粗備祇求堅實敢壯觀瞻藉非爭執原可因陋以就簡從事建設務期一勞而永安幸已落成敢陳梗概查通北人煙稀少經濟困難一切進行均形遲滯各商民視線所集悉以衙署遷定以為轉移衙署不能竣工即縣治難期發展已來者時懷去志未來者尤多觀望內而政治外而墾務均於無形中受其影響故衙署實為通北進行之大關鍵當其未確定已前彼此爭執各不相下專員遂為各方集矢之的迨經

鈞署主持仍以周家地房為城基飭令專員一致進行而敗訴者又復以專員為怨府甚至冒捏多名任意誣控然專員職任所關責無旁貸苟於地方有益何敢稍避嫌怨因即昕夕經營往返奔馳工程既鉅應付兩窮街基各戶顧全大局如期捐納者固不乏人而徘徊觀望置若罔聞者亦復不少計築衙署房屋共計四十間並院牆各項共需工程費錢約九萬餘吊所收經費僅三萬有奇停工待費月必數起功虧一簣窒碍良多專員勉為其難極力維持或為之借貸以資周轉或為之墊付以濟目前數月以來幸告成功而專員虧累已不堪問矣衙署雖有端倪而監獄尚付闕如查監獄建築費歸司法方面籌慮至再款項無多任其擱置既防碍於事實稍形簡率非所以規久遠同時並舉補屋牽羅計修築監

室五間佈置尚稱完備疾病不致叢生幸託

仁蔭一體落成

專員

已於十一月十九日督率員司及警察所全體遷駐新署除

將建築衙署及監室工程各費遵照條例分別繪具圖說補造預算另文呈報

外所有城基衙署落成暨

專員

遷移日期理合先行具文呈請

道尹鑒核施行謹呈

黑龍江綏蘭道尹子

通北設治局設治員熊良弼

中華民國五年十一月二十三日

勝蹟

寺觀

按通北長治社四甲八井於民國四年經道教士魏理明募資建築道院一所前後
房屋各三間佔地一畝名曰慈聖宮又安古鎮原有安固寺關帝廟各一座異常簡
率名山古剎足以資遊覽稱勝蹟者殆無一焉

冢墓

通北警察所第一派出所巡長徐鳳林依順在民國四年十一月二十五日死於鬍匪之難
五年六月二十七日葬於通北之韓家甸弼嘉其勇而閔其死請恤賞焉并為記以彰

之記附

雙塚記

古人有言曰豹死留皮人死留名吾聞其語矣未見其人也一旦大難當前有誰肯身冒鋒刃至死不避者乎有不論衆寡不計利害誓以身殉者乎吾於斯不能不感嘆於二巡長之難能而可貴者也巡長一徐姓諱鳳林海倫人一姓依諱順奉天人始充警兵隨予久知其勇擢升第一派出所巡長民國四年十一月二十五日帶警兵李青林出外查道至梁家店朝餐食未竟有人來告曰鬍匪至人且衆盍避諸巡長同聲應曰臨陣畏縮非夫也吾將滅此而朝食遂持槍出戰移時傷匪數名卒以衆寡不敵同時殞命李青林棄槍幸免當斯時匪所欲者意在他屯及第二國民學校賴巡長牽制前屯得有備各學生亦鳥獸散比匪至無所掠呼嘯去不然無遺類矣二人雖死其保全顧不重哉雙塚在通北之韓家甸至明年一月罪人斯得始奠祭焉故人無上下官無大小其死忠則一也嗚呼尚矣後之人過其旁莫不指而嘆曰某巡長之墓某巡長之墓

中華民國五年六月通北設治員熊良弼記

經政志

民治

戶籍

黑龍江省通北設治局戶口總數表

區事	種別	普		戶	口		寺	廟	僧	道	公共處所
		別	戶	男	女	學壯廢現他	職業	有無	宗教	曾素形	非
第一區	戶	男	女	童	丁	疾	住	往	者	分	處
		別	戶	男	女	學壯廢現他	職業	有無	宗教	曾素形	非
第一區	戶	男	女	童	丁	疾	住	往	者	分	處
第二區	戶	男	女	童	丁	疾	住	往	者	分	處
第三區	戶	男	女	童	丁	疾	住	往	者	分	處
第四區	戶	男	女	童	丁	疾	住	往	者	分	處
總計	戶	男	女	童	丁	疾	住	往	者	分	處

考

右表總計二千四百零七戶男女二萬八千二百七十四名口內有學童一千四百七十八名係按五年秋季本局警察所調查管轄區域內之各商民戶及寺廟僧道公共處所分別查填至宗教一欄各區信仰不一第一區信仰耶穌教者四名信仰天主教者十六名第二區信仰天主教者九百十六名第三區信仰耶穌教者八十三名總計一千零十九名又轄境以內並無船戶戶口故未填列合併聲明

風俗

三代時於春日命太師陳詩以觀民風所以辨邪正知文野覘奢儉明好尚也通北素敦儉樸勤耕作粗衣糲食甘之如飴雖富室無稍異性强悍耐寒冷男則農商女則縫紉惟性好鎗馬無大小咸以為樂不究心於詩書又不善自珍衛農家者流經年累月面垢不洗衣垢不澣衛生一道殊多障礙 蒞通三載善者因之陋者去之接見之餘時加勸諭風氣為之稍變易風移俗是所望於有牧民之責者

方言

中國語言最為龐雜省與省異縣與縣異相去數里儼同異國前清時欲設國語學校以期統一亦即此意通北語言尚稱普通一切音浪與奉吉同與北京則大同而小異滿洲人之居於通北早為漢人所同化原有語言亦無肆而習之者惟鄂倫春人啁哳難辨自開墾後趨避罄盡雜居於內地者不過數家

警言政

警察之沿革

查通北設治始於民國四年五月未設治以前僅有稽墾機關地方行政仍歸海倫縣管轄二年三月創辦民國三年十月改團為警就民團總公所改為警察事務所委張純一為警務長海倫知事為正監督稽墾局員為副監督事務所即附設於稽墾局內仍暫駐長治社四甲八井並改民團馬隊為駐城馬警改鄉團兩區為警察第一第二兩區四年四月一日奉飭改警察事務所為警察所以設治員兼充所長改原委之警務長為警佐各科員為學習警佐分任所務並添設警察守衛各隊改兩區為第一第二派出所添第三派出所六月城基地點確定於周家地房七月添警察隊分駐所於城基五年二月請添委張錫墾為內勤警佐添第一派出所翟家甸分駐所五年八月奉令改組警察所以設治員為監督委內勤警佐

